



**Especificacións técnicas para a contratación dunha asistencia técnica para a
realización dun curso de formación de
CONFECCIÓN E MANTEMENTO DE ARTES E APARELLOS"**

Xustificación:

Dentro do marco de actuacións en do empoderamento e autoestima do sector pesqueiro, o Galp Costa Sostible aposta pola cualificación profesional do sector e pola visibilidade e autonomía das mulleres deste sector, polo que segundo acordo da Xunta Directiva celebrado o pasado vinte e catro de xaneiro acórdase a contratación dunha asistencia técnica para a realización dun curso de confección e mantemento de artes e aparellos.

Obxecto do contrato:

Contratación dunha asistencia técnica para a realización dun curso de confección de mantemento de artes aparellos, os contidos do curso adáptanse ao establecido no Real Decreto 1376/2009, para o certificado de profesionalidade de Confección e Mantemento de Artes e Aparellos.

Traballos a desenvolver e condicións específicas de execución:

Segundo o disposto no obxecto do contrato o curso adaptarse ao seguinte temario

1. Clasificación e confección de artes e aparellos de pesca.
 - Xeneralidades das diferentes artes e aparellos de pesca.
 - Denominación e enumeración das diferentes partes dos mesmos.
 - División das artes:
 - Cerco.
 - Arrastre.
 - Artes menores.
 - Características de cada unha das artes. Confección.





- División dos aparellos:

- Palangre de fondo.

- De media auga.

- De superficie.

- Aparellos menores.

- Características de cada un dos aparellos. Confección.

2. Interpretación de Planos de artes e aparellos de pesca.

- Escalas: Concepto e operacións.

- Abreviacións e símbolos utilizados nos planos de artes e aparellos.

- Interpretación de planos.

- Localización das distintas partes dunha arte ou aparello.

3. Utilización de materiais para a confección de artes e aparellos de pesca.

- Utensilios necesarios para os traballos de confección e montaxe: de corte, medida, produción e axuste:

- Utensilios de corte: tesoiro, alicates e navallas.

- Utensilios de medida: varas e metro.

- Utensilios de produción: agullas, pasadores e xiratorios.

- Utensilios de axuste: gardacabos.

- Fibras e Fíos.

- Sistemas de numeración.

- Propiedades das principais fibras.

- Concepto de elasticidade e resistencia á rotura.

- Fíos máis utilizados. Nomes comerciais dos mesmos. Características. Presentación.

- Elección de fíos segundo a arte ou aparello a construír.

- Trallas ou relingas, cabos, tanzas, cables e arames:

- Tipos, numeración e nomenclatura.

- Características dos mesmos a ter en conta segundo a peza a construír e lugar que ocupe dentro de la mesma.





- Selección e combinación dos distintos materiais en uso para a arte ou aparello.
- Medidas de seguridade básicas no uso e maneo dos diferentes materiais.

4. Elaboración de panos en las artes de pesca.

- Nós e costuras necesarios para os traballos con artes e aparellos. Vantaxes e inconvenientes de cada un deles.
- Concepto de malla. Características. Dimensións das mesmas. Formas de medilas.
- Formas e malleiros.
- Regulamentación sobre mallas. Calibrador.
- Sentido de mallas e nos.
- Concepto e partes dos panos.
- Determinación da superficie dos mesmos nas distintas artes.
- Concepto de filtración nalgunhas artes. Importancia da mesma.

5. Cortes de panos nas artes de pesca.

- Elaboración dos distintos panos de redes para montar cada tipo de arte.
- Posibles cortes a realizar en un pano.
- Crecidos e mingrados.
- Fórmulas para realízalos.
- Aplicación das táboas FAO para efectualos.
- Denominación dos lados da malla para o corte segundo o lugar que ocupe no bordo do pano.
- Cortes particulares:
 - Segundo o tipo de arte..
 - Segundo o lugar que ocupe a peza dentro da arte.

6. Elaboración dos distintos elementos que conforman o palangre.

- Nós, costuras e empates necesarios para os traballos con palangre.
- Preparación da «nai» atendendo ao tipo de aparello.





- Conceptos de «brazadas ou pernadas»: Dimensión e distancia entre elas segundo a especie a capturar.

- Anzois:

Coñecementos básicos sobre os mesmos.

Tipos de anzois.

Formas de unión do anzol coas «brazadas ou pernadas» e de estas coa «nai».

7. Armado e montaxe de artes de pesca.

- Cálculo para determinar a lonxitude das relingas.

- Coeficientes vertical e horizontal da malla.

- Lonxitude de rede pano estirado. Lonxitude de rede armada.

- Coeficiente de colgadura. «Embando» / «bolso».

- Altura rede pano estirado. Altura efectiva.

- Coeficiente de armadura.

- Aplicación práctica dos cálculos.

- Montaxe de artes de pesca:

- Pegada de panos.

- Pegada de pezas de mallaxe diferente.

- Tipos de tiras de reforzo segundo a arte. Reforzos de mallas dobres.

- Nós e costuras necesarios para o armado con artes.

- Elaboración de trallas ou relingas, costadillos, trencillas, corta avarías.

- Montaxe dos distintos panos sobre as relingas, costadillos e trencillas nas artes atendendo ás singularidades de cada un.

- Fixación de flotacións, lastres, boias e burlóns nas diferentes artes atendendo a planos ou aos usos e costumes.

- Cabos de flotación e fondeo, pes de galo, rabizas e demais elementos complementarios atendendo ao tipo de artes. Montaxe dos mesmos.



8. Armado de Aparellos de pesca.

- Nós, costuras e empates utilizados na montaxe do palangre.
- Armado dos distintos palangres e outros aparellos: medidas dos palangres.
- Flotacións e pesos.
 - Conceptos dos diferentes tipos de boias, flotacións e pesos que forman o equipo de pesca dos diferentes palangres.

Para a impartición deste temario solicítanse catro formadores, de xeito que sexan especialistas nas seguintes artes, cerco ao que lle corresponderan un total de 90 horas, arrastre ao que lle corresponderán un total de 90 horas, palangre cun total de 60 horas e artes menores cun total de 60 horas.

O curso comprenderá os meses de abril, maio e xuño, aceptándose a posibilidade de comezar antes do 1 de abril, e impartirse na localidade de Porto do Son, concretamente nas dependencias do Centro de Día ao estar este local homologado para a realización da actividade.

O curso desenvolverase preferentemente en horario de tarde.

Requisitos:

Os distintos licitantes acreditarán a súa solvencia técnica de xeito que quede latente a súa capacidade para desenvolver o contrato, achega da documentación acreditativa que permita realizar a actividade dos formadores que propoñan.

Acreditarán a súa capacidade para contratar mediante unha declaración responsable e cumprimentando o anexo II que acompaña a estas bases.

Acreditarán así mesmo que non existe ningún tipo de vinculación coa entidade contratante.



Grupos de Acción Local
do sector Pesqueiro
Seo de Fisterra Ría de Muros-Noia:
Costa Sostible



UNIÓN EUROPEA

FONDO EUROPEO MARÍTIMO
Y DE PESCA (FEMP)

Contido das propostas:

As distintas propostas deberán especificar de maneira separada: a solvencia técnica da empresa en relación ós traballos a realizar, o plan de traballo no que se inclúan as datas a impartir as distintas modalidades.

Unha proposta dos materiais necesarios para desenvolver a formación, dito material poderá ser adquirido pola empresa contratante ou polo propio Grupo.

A oferta económica especificará o custe da formación e o custe do material proposto no caso de que sexa adquirido polo adxudicatario.

Prazo e forma de presentación:

As propostas remitiranse a través do seguinte enderezo de correo electrónico:
galp.mar.costasostible@xunta.gal

O prazo de presentación rematará no prazo de quince días naturais contados a partir do día seguinte da publicación das seguintes bases.

Prezo do contrato:

O prezo máximo do contrato será de 14.900 euros +IVE .

Prazo de execución:

O prazo de execución rematará o 15 de xullo da presente anualidade, tendo en conta a posibilidade de distintos retrasos na data de inicio.

Valoración das ofertas:

O contrato será adxudicado a aquela empresa, de entre as que cumpran os criterios de solvencia técnica que presente a oferta economicamente mais vantaxosa.



XUNTA DE GALICIA
CONSELLERÍA DO MAR





Grupos de Acción Local
do sector Pesqueiro
Seo de Fisterra Ría de Muros-Noia:
Costa Sostible



UNIÓN EUROPEA

FONDO EUROPEO MARÍTIMO
Y DE PESCA (FEMP)

Obrigas do adxudicatario:

- a) O adxudicatario queda obrigado a cumprir aos extremos a proposta presentada e valorada.
- b) O adxudicatario levará a cabo o servizo con absoluta profesionalidade coa debida dilixencia.
- c) Os dereitos e obrigacións do presente contrato non poderán ser cedidos polo adxudicatario a un terceiro.

Muros a 6 de marzo de 2020

Asdo Daniel Formoso Moledo

Presidente Galp Costa Sostible



XUNTA DE GALICIA
CONSELLERÍA DO MAR

